



Korpusi i paqes Maqedoni

Oslo 6, 1000 Shkup, Maqedoni Tel: 389 02 3090-012 Faks: 389 02 309- 012 lok 31

GRUPI I GJASHTËMBËDHJETË I VULLNETARËVE TË KORPUSIT TË PAQES FILLON SHËRBIMIN NË MAQEDONI

Tridhjetë e gjashtë vullnetarë të rinj dhanë betimin në një ceremoni në Kumanovë në vitin kur shënohet 50 vjetori i Korpusit të paqes në tërë botën dhe 15 vjetori i prezencës në Maqedoni

28 nëntor 2011

KUMANOVË, Maqedoni – Grupi i gjashtëmbëdhjetë i vullnetarëve të Korpusit të paqes në Maqedoni ka përfunduar trajnimin.

Në 24 nëntor, tridhjetë e gjashtë vullnetarë të rinj shënuan përfundimin e trajnimit njëmbëdhjetë javësh në komunitetet trajnuese në Romanovcë, Probishtip, Kratovë, dhe Lozovë.

Kjo ngjarje përkoi me kremtimin e festës tradicionale amerikane Dita e faleminderimeve, andaj dhe ky rast u shfrytëzua për të shënuar dy përvjetorët e rëndësishëm: 50 vjet nga ekzistimi i Korpusit të paqes në tërë botën dhe 15 nga ekzistimi i korpusit në Maqedoni.

Korpusi i paqes dhe misioni i tij daton nga viti 1960, kur John F. Kennedy, atëbotë senator, sfidoi studentët e Universitetit të Michigan që t'i shërbëjnë vendit të tyre për kauzën e paqes duke jetuar dhe punuar në shtetet në zhvillim. Nga ai inspirim, erdhi si rrjedhojë agjensia qeveritare e cila iu përkushtua paqes në botë dhe miqësisë.

Tre caqet origjinale të Korpusit të paqes akoma mbeten të njëjta edhe sot e kësaj dite: 1) të ndihmojë popujt e vendeve të interesuara në përmbushjen e nevojave për burra dhe gra të trajnuara e të ditura; 2) të ndihmojë që popujt e vendeve të ndryshme ku amerikanët punojnë të njohin më mirë popullin amerikan, dhe 3) të ndihmojnë popullin amerikan që më mirë të njohë popujt tjerë.

Korpusi i paqes ka qenë prezent në Maqedoni që nga viti 1996, kur Korpusi i paqes dhe Ministria për arsim dhe shkencë e Republikës së Maqedonisë firmosën kontratën mes dy vendeve. Që nga viti 1996, më tepër se 300 vullnetarë të Korpusit të paqes kanë punuar krahas për krahas me partnerët lokal. Shkollat, komunat dhe OJQ-të kanë qenë nikoqir të vullnetarëve të të gjitha moshave, të cilët kanë kontribuar me entuziazëm, inovacion dhe ekspertizë në tejkalimin e sfidave të komuniteteve në tërë vendin.

Grupi i ri i vullnetarëve dhanë betimin para ambasadorit të SHBA-ve Paul D. Wohlers në një ceremoni ku morrën pjesë Ministri për arsim dhe shkencë, Pançe Krlev, përfaqësuesi i Kabinetit të presidentit z. Nikola Gjorgon, kryetarë të komunave që kanë ndihmuar me

programin për trajnim dhe përfaqësues të tjerë të qeverisë së Maqedonisë dhe njërive të vet-qeverisjes lokale, miq të shumtë të Korpusit të paqes, vullnetarë që veçmë punojnë në Maqedoni, familjet nikoqire, personeli trajnues dhe personeli i Korpusit të paqes Maqedoni.

Me këtë eveniment, ata zyrtarisht fillojnë shërbimin e tyre dy-vjeçar që do të shtrihet në tridhjetë e dy rajone të Republikës së Maqedonisë.

Drejtori i Korpusit të paqes Stephen Kutzy tha: “komunitetet e Romanovces, Probishtipit, Kratovës dhe Lozovës, që kanë qenë nikoriqë të mrekullueshëm, kanë mirëpritur vullnetarët në shtëpitë e tyre gjatë trajnimit dhe kanë ndihmuar ata që të mësojnë gjuhën maqedonase dhe shqipe. Kjo paraqet një shembull të shkëlqyer të bashkëpunimit mes dy vendeve tona për të mirën e të gjithëve.”

Si pjesë e trajnimit, vullnetarët kanë ndjekur kurse intenzive për gjuhë maqedonase, dhe për ata që do të punojnë në pjesët perëndimore të vendit, janë siguruar trajnim për të dy gjuhët, maqedonase dhe shqipe. Vullnetarët gjithashtu janë informuar për sistemin arsimor të Maqedonisë, për ekonominë dhe biznesin, për organizatat dhe programet qeveritare dhe joqeveritare, si dhe për organizatat të involvuara në çështje që kanë të bëjnë me ambientin jetësor. Çdo vullnetar i Korpusit të paqes ka jetuar me familje nikoqir me qëllim që të fitojnë njohuri më të mëdha për komunitetin dhe kulturën e Maqedonisë, dhe me qëllim që të ndihmojnë zhvillimin e aftësive të tyre gjuhësore.

Gjatë ditëve në vijim, vullnetarët do të transferohen në rajonet e misionit të tyre në tërë territorin e Maqedonisë. Njëzet prej tyre do të punojnë në mësimin e gjuhës angleze, ndërsa gjashtëmbëdhjetë të tjerë do të ndihmojnë organizatat joqeveritare dhe ato të njësive lokale.

Për të dhëna më të hollësishme rreth programit të Korpusit të paqes, kontaktoni zyrën në këtë adresë

Oslo 6, 1000 Shkup, tel. 02/3090-012,
ose vizitoni ueb-faqen <http://macedonia.peacecorps.gov>